

白
華
前
稿

白華前稿卷第二十七

南滙 吳省欽 冲之

古今體詩倦遊集一

閑逢閣茂

西江之轍涸矣所主無可與言昨冬返權時漁山
太守意良厚又遠問見招舍館者八閱月議論證
據上下每夜分始罷會季父將爲選人歸移道南
閱歲而遇大禋曰倦遊者司馬長卿傳中語也

重之九江寄答璞函

幾片春雲靄碧空筆牀茶竈載炊多菜花風裏潮初上

楊柳隄邊酒正中
禽夏未辭遊嶽遠
潛夫多愛著書工
九江秀色無人攬
待爾題襟漢上同

湛瀆紀所見

山市六斑茶谿田
幾株橘呼渡重徘徊
爾泥待儂畢

溧陽

長蕩湖邊野照開
落帆無伴強銜杯
酸寒覓句憐仙尉
慷慨投餐感霸才
葑草青連樵徑去
桃花紅上釣船來
明當江介東風穩
兩鬢蒼浪祇自催

高淳

一片諸州水蒼茫
遶縣門重湖少城郭
五堰幾朝昏治

扇充方物鳴榔佐夕飡詩翁那嗟已矣何處訪曾孫

四月五日夜固城湖對月

要眇渡江吟鶯花付陸沈短檠泊遙渚初月下荒岑相
見延孤酌相思斷暮砧連宵打篷雨一種故園心

由下壩換船至上壩

往來馬當船風潮揚子縣括地訟諸家中江入陽羨自
聞運道開漸見揚塵變所容不數舫其澄乃匹練樹老
表河隄碑荒覆土堰十家九店開五里一亭見授著僧
齋涼賒酒女廬便擔夫爭納納權郎樺片片此邦未云
穀爲壑欲誰譴歲月旣以徂周游旣以倦懷古重茫然

三江迷夏甸

板子磯

蟬鳴楚雲霽返照在市屋杳杳涉江人行歌飲青嶺

皖城寄家書

艱難懷祖帳潦草別先廬首夏清和裏雙鱗問訊初風
烟大雷岸弟妹鮑家書宿鳥吾嗟女棲棲晚照餘

林供奉朝錯角鷹

角鷹畫手姜參軍緝熙祕殿推道君永年團練亦突兀
稜稜殺氣摩蒼旻有明林良匠心苦供奉毋乃其子孫
山堂昨夜秋容淨馬健草枯角弓勁多少癡兒欲臂將

啁啾燕雀爭亡命黃雲壓地天雨霜怪鴟鵂兔紛跳踉
軍門下令開獵場左牽羊牛右酪漿與酣繚解翻八荒
愁胡側視隅兩眶風毛雨血魑魅藏何爲銅鉤鐵絳此
拋擲始知當道人矣無豺狼

先皇昔御養心殿錯也承恩嘗引見朝看平臺放俊雕
暮歸內庫支東絹烏號一墮草萋迷鍛羽脩脩返故樓
五羊樓觀尋仙蹟重譯梯航仰御題菰蘆我亦同

天槓褶袴曼纓遜清駛眞鷹時共畫鷹吟畫鷹肯似眞
鷹賣男兒氣骨一秋鷹韝鏃拘牽飛未曾短衣射虎南
山下五嶽隱然方寸生

送陸梅齋歸茗上

君家清遠郡水北間花南多少如花女春來餽八蠶言
浮瓜蔓水竟別虎谿庵小酌潯陽酒行歌已半酣

雨館同姚

世鑄高文照作

夜色冒諸峯瀟瀟起秋響賓館疎足音莓苔滋以養驪
言宗雷侶風絃理孤賞異縣結同岑覲面神已爽當茲
眠對牀相對轉清朗人境散覓鷺潭氣生菰蔣翦燭雖
無多想見五湖長子鄰陸瑁居君結鷗波黨他日奄樵
風颯然誓來往忽念水簾泉此山有息壤

江館寄璞函玉厓少華張奕蘭丈

往歲治城秋相攜孫楚樓今年社翁雨獨上鄂君舟談
燕諸初服音書曠塞修江波回九派不到海東頭

觀董漁山榕太守鄭州古鏡

鄭州城南卓錫臺舊題鄭女洗妝處麝蕪地老馬蹄驕
芳藥春深蛾眉妒丁丁啄杙聲未停鏗然一著非丁寧
百指爬搔土華碧萬目眩耀天皮青青龍躍躍相君背
跟肘模糊蝕年代如茶照向含長顰恤緯窺來發遐慨
錫名紀實今有然錦帟羅幃隨秋烟卽看鄭志賦詩日
莫論秦官照膽年

姚午晴西塞山居圖

聞君家清茗烟波肆瀾汗排桃夾通津綠蓑偃永旦焉
知魚之樂有取水哉嘆一歌漁父辭遙遙發川觀
野水何悠悠幽人夢清迥浴蠶迴塘春采蘋落日冷蟹
舍主旣懽鷺盟我猶省永懷江上舟相從負笈簪

午晴白描讀書圖照

昔夢陶公里當門鬱夏木古懽敦詩書一編卒百讀讀
罷摘園蔬綠陰遶茅屋欣赴山澤招遐契葛天族伊人
吳興居春水寫琴筑幽幽交漁商曖曖翳桑竹重帷垂
夜分際曉火猶宿如何被帆驅艸影苦馳逐浮生何所
依令我淚盈掬示我雪川景水木湛原陸要我西塞詩

山莊結船屋是圖寓遙深邈焉絕塵俗非格尊白描秋
影湛巾幅維摩寫孟公龍眠畫玉局劖作鐵綫挺密作
蘭葉簇君身仙骨多養真釋煩惱我無煩惱光敢效童
蒙瀆誓將步高衢委懷守遺錄一甌酒試攜從君丐殘
馥

江夜

聞歌不見人月暗暮江曲何處葦花邊星星纂楚竹

自龍開河泛舟至寨口憩龍門寺晚抵長港登
大沙城門山還宿金雞埭明發鶴岡湖泊濂
谿祠下同漁山太守賦

良會艱具陳秋山面清爽臨風寫煩憂遵渚駕雙槳校
祠漁蠻疎禰程稻孫長逝會語在耳流行香入掌稍辭
龍伯居言獲象王賞討幽辭近驩撫今集遙想隍廢井
亦堙沙沈林自莽顏唐布金地飄渺采蓮響惟餘葭莢
林戛然聞舉綱

湖次招暮涼霞天謁餘暖轉悲谿路盡輓覺水雲滿重
山竊復深雙闕續還斷豁豁踐閭闔叢雜數上箭筈拾
橡櫨乍盈園松帶初緩初月輝尚含微波淨如盥金雞
負杖尋丹臺束紉款陳死良所悲長生容有算健鶴墮
孤雲夕夢吾將纂

漢西豈神山望望不容卽勝具念已濟初服幸無華巖
罪流宿陰陽暉媚清湜人烟炊孤邨鷺影振遙陌眠牛
縱可徵化鶴要難測煩懷尤霽賢惜與塵襟隔青楓迥
霜候白蘋照秋色方當巢雲松終焉布華席我歌子嗣
音盟言終不食

江寺寄金鍾越

兆燕

九江江水漲分插九蓮花一寺入幽處白雲時數家閑
風折晚筍宿火鬪新茶數卷黃山詠何人籠碧紗

贈歌者蓮生

笛板箏絃耳斷聞茶瓜點綴會如雲花前涼月燈前酒

丸髻兒郎玉不分

濯濯紅蕖秀出波腰圍纖貼錦羅毵舞餘笑鑒春衫影
便是金環小固姑

笏滑嬌喉轉乳鶯旗亭回首十年情琴牀硯匣愁如水
那更關山一曲聲

苦心蓮子采江南粉鏡匆匆照座堪一樣淒涼記三疊
渭城重對舊何堪

重宿烟水亭

巾帶涼生暮色虛月九遙映白沙居燈將水氣螢相似
艣帶秋聲雁不如遙夜風花香灑落當時文酒會蕭疎

故園想象烟波永穩飯紅蓮鱸白魚

譙樓崇禎古礮同姚

世鐸作

九江城樓西北隅古礮僵臥蒼青蕪物久質頑憚捫摸
登樓一顧驚嗟吁劫數慘遭龍漢後板蕩愁讀夷檠餘
穎陰侯昔事版築尾控三楚頭三吳金城百丈鎮天塹
有若堂奧懸桑樞白丸竄突螟生蝮紅巾跋扈梟將雛
幸而此間脫虎口兵來慘澹加爬梳新安之阬咸陽炬
到今邑井憐區區我聞長陵受洋礮諸鯁巧習輪舳艫
佛郎機來始嘉靖汪鉉經進天爲愉此礮亦需萬夫挽
此樓要障千門居想當國工治精鐵陰陽之炭燒錐鍔

雷公擊橐虎頭劣太乙出治牛腰麓彈丸累累挂空腹
裹藥獠獠填重膚所愁兵火稍不戢崩奔推倒無匡廬
豈知斬牲徇軍令大類使鶴乘軒車麾賊退避礮始舉
幾見死賊燭眉鬢平生讀史背雙裂而况弔古行踟躕
朱鬢未改紅夷號蒼蘚時挾青燐俱趙趙盛怒倚闌櫓
眴眴真氣生槽枥銅駝金狄竟何在嗟爾大有神持扶
我不願爾神持扶願爾銷迹成耰鋤詩成三嘆復一笑
太平雞犬遭誰如

秋懷四首

臣心如水照蒼雲政府臺端職志分禁火乍封繇上地

拂衣還畫敬亭雲
白楊雨露三泉貴
青鏡江湖兩鬢紛
努力羣公答
并詔禁扉長喜諫書聞

火色鳶肩拜上公
平羌盪寇舊時功
益州圖畫真容在
鄂國門楣異代同
座上旌麾蠻部震
墓前碑版史書崇
禁中頗牧尋常有
青海金川爾莫雄

轉粟青天事會難
駢聞都護撤嚴關
單于敢信王恢約
回紇勤瞻郭令顏
塞北雲山聯候館
天南星斗肅朝班
盛時職貢踰前史
右相丹青未許攀

黃流昨歲汜淮徐
發粟蠲金更貸租
拜爵尚煩家令議
流民還命介夫圖
桃花漲穩從容報
竹榼園空鼃勉輸

自是東南和會地堯年憂患永昭蘇

訊章文升甫病酒

寄廬兩手不名錢一囊例何酒家破青絲挈榼花當籌
勤於蚤晚戒僧謀犯卯先教杖頭懸卜夜不辭甕邊臥
昨讀君填紅雪詞思君嘆君忍寒餓零星斷簡依筆牀
詰曲修繁置藥磨如余強酒非嗜酒要澆畏壘計無那
頌酒頗學伯倫達止酒偶效淵明作或尋花戶或花師
或卽入山瓢笠荷低眉干祿爾未能擊筑高歌我便和
高陽馬穩當並驅松陵船駛試同坐不然住此聊復佳
陶家下撰栽黃稷

甘棠湖權歌 有序

甘棠湖一名景星其得名皆以李少室湖心
有烟水亭卹曲漁歌靜夜間起寓館多暇輒
取竹枝之體爲權歌若干首篋衍及之備風
輶之采焉

楚尾吳頭控上游驚心曹 翰李 成競屠劉一從雙劍韜

鋒後水氣溶溶入郡樓 程史乾道中文立方守江州以郡治直雙劍峯乃聳譙樓而池

其前謂之藏劍匣

庾公樓上作新年一片迴龍 磯塔火連不及龍開河畔

晚籠燈泊遍九江船 長慶集有新

年庾樓詩

白華前稿 卷二十七

郭索江城擁暮流堆盤糖蟹味難留華筵莫怪鮪魚貴

潮到潯陽歸去休

府志湖口城勢如蟹陸游詩潯陽糖蟹徑尺餘

銀花簇簇洞庭飄上稅魚船四月饒唆藻險萍都不省

好調雞子飼魚苗

三四月有魚苗稅郡丞監之苗自洞庭飄來稍長以卵黃爲飼

黃蠟封缸釀法偏好詩應藉酒樓傳縱沽桑落洲邊去

醉倒濯纓池上眠

德化徵黃蠟王貽上詩憶泊潯陽舊酒樓濯纓池有陶公醉石封缸酒名

折疊屏風小九華蘇黃勝賞迹全賒祇餘一半匡君影

長照柴桑處士家

時菊離披點徑斑白蓮分插膽瓶間樵夫不識幽蘭貴

例與柴蘇擔出山

香山潯陽三題序廬山林益蒲竹東林蓮甚多人不爲貴重

民黨歷碌 御黨奇異破天詩著意爲判御踰穿雙不

借九峯寺裏看唐碑

九峯寺在雙劍峯下其碑惟使唐英燒瓷爲之

江夜檀槽淚似麻青衫淪謫怨天涯延枝已把臘脂誤

莫把枇杷改琵琶

琵琶亭今在淪浦之右按劉黃父中山詩話亭前臨江左枕淪浦則

故址當在今水府白馬兩廟間延枝山在府治左今訛臘脂枇杷事見漸史

辟塵珠勝辟塵犀古寺三門鐵佛棲願獻寶冠安佛頂

不教燕子壘芹泥

能仁寺舊名承天危素有三門記殿相傳有辟塵珠鐵佛北宋時浮至又

大士象寶冠近日燕泥累成之

家住城隈復浦隈龍豬新到夕筵開銅盆徑尺休教洗

怕惹乖龍攫爪來

淪浦見漢郡國志今以名城西門府志淪亦作盆昔人洗盆墮水有龍負

出因名

落星潭底鐵冠人雄鳴飛飛解化身可惜柳菴更生後

不將綵筆記搜神

長興中漁人於落星潭引一鐵冠人旋逝於水周跡宿宮亭廟見白頭老

化雄鴨飛去柳菴葬三年後復遇

細柳繁花霸業休木蘭船過木蘭洲惟餘天上麒麟句

傳說清泉寶盃流

木蘭洲閩間植木蘭於此寶盃泉名徐陵詩泉流寶盃遙憶益城

大行山與吕梁洪須趁人間一帆去風爲過馬當剖魚

腹一雙金錯玉玲瓏

陸龜蒙有馬當山銘魚腹錯刀王龍標事見博異記

黃牛湫口破長風親斬神蛟濁浪紅太息鼎湖弓劍杳

蟪磯從此橫江東

黃牛湫在湖口東南十里卽漢武射蛟處

神武將軍脫墨衰
甕門深夜颭靈旗
淒涼白鶴鄉前路

幾樹冬青偃墓碑

岳忠武在鎮守時喪營葬白鶴鄉之太陽山或云株嶺北門今名岳師討

李成時出師處

二蔡孤惇禁網張
小人飽暖仗蘇黃
安民關內家迢遞

祇合移居琢玉坊

揮塵錄崇寧間刊元祐黨人碑九江石工仲寧請于太守曰某以錫蘇黃

詞翰得飽暖誠不忍下手寧所居琢玉坊山谷題

越紵吳綾私篋操
姜家被冷雁行高
布衣兄弟偏蹄習

惶媿蒲亭百犬牢

私篋事見才鬼錄陳氏百犬牢在德安西北六十里

千騎紅巾賊熾氛
清齋施供素殷勤
笑將撮土傳仙訣

不見山家見白雲

明季萬生舉士避賊事見徐岳見聞錄

彭澤豪華見未曾逢場竿木夜牽繩阿婆更語耶兒子

看放蓮華救苦燈

彭澤張御史達泉修聲伎見阮亭治春詞注耶兒子九江呼小兒之稱

鳳凰飛去景星消古院濂谿也寂寞不及豐儲坊下土

漆工攜春日招邀

景星書院祀李勣今廢郡城濂谿書院有二在豐儲坊者土可入漆

七仙昇後九仙昇梅福劉綱取次登閒殺廬山張道士

遠攜手版謁延陵

列仙傳匡俗生周武王時兄弟七人謝顯廣福觀碑以爲成烈王時人府

志晉建元初延陵季子廟中井浮木簡文曰廬山道士張陵拜謁

花社宗雷遲素盟瀟谿小隱悔浮名聲牙最是琦玕子

湖海無家太漫生

元結瀟谿在瑞昌新唐書糾繆結傳作琦玕藝文志作琦玕宜從琦

紀功碑字冷如灰寂寞周顛白鹿臺移得麝囊花似錦

風流偏號紫蓬萊

王文成紀功碑及明太祖周仙碑皆在天池清異錄麝囊花一名紫蓬萊

一名風流紫南唐移植宮中

禱雨龍潭旱色悽虎頭下縋起雲霓人情莫似東佳水

雨向東邊晴向西

德安東佳泉在紫巖下晴則西流雨則東流若大旱雖障之東不能也

鶴問塘邊獨鶴飛飛魚選口老魚肥妾嫁赤松鄉裏去

生憎不見赤松歸

鶴問湖相傳陶侃擇地葬母遇異人處飛魚選義熙中吳祿攻蔡殺大魚

羣魚悉飛上木因名赤松鄉在府城西三十里

女兒港口打頭風生女生男命不同問道木蘭行替父

生天卻讓李騰空

女兒港在大孤塘因黃魯直詞得名江右生女多不舉騰空杜甫女張可

度詩多少男兒淪落盡神仙卻讓李騰空

買田論擔種紅秬半怕龍田半坊田關上人家田不種

木簿算罷算鹽船

查夏重詩注九江人呼遠水田爲坊田近水田爲龍田坊讀作胖上聲九

江關稅恃木簿鹽船他船稅則無多矣

陶公戰艦蝕沙痕曾伐牂柯選樹根何代將軍騎玉蚪

左良玉荻花江上苦招魂

江口波瀾灌井連居民誇說太平錢天橋王氣今何有

十里城南冒暮烟

灌井在郡治內云與江水暗通明祀鑿天橋及橋寨發太平錢事見潯陽

臨

千杏花開下上紅幾湖十月放芙蓉安心可比鐵屏嶺

妾容可鑑石鏡峯

府志宋元嘉中始幾湖芙蓉連理鐵屏山在湖口文廟前鹽山有石鏡峯

鄴陽鎮南石鐘清歷陵縣西石鼓靈石鼓不逢申興狩

石鐘無復大蘇聽

德安縣西北有石鼓相傳將雨輒有聲

沙痕曲曲肖蛾眉

洲名

肯捧銀盤作嫁資爲把江婁戒行

客莫彈過鳥莫畱詩

劉夢得山詩自銀盤裏一青螺東荆述異記有客彈鳥中神象

竝嫺以詩舟卽覆

指揮

胡則

勒部陣雲冥鈴轄

趙士隆

投書戰血腥八角井標

元總管

李輔

更誰攬秀續孤亭

則士隆輔死曹翰李成陳友諒之難八角石補葬處

補建攬秀亭在府治南

豆葉菜香初窖甕則林茶熟漫封鑪解嘲要轉坡公語

春酒無勞變一湖

蘇詩春酒一變甘棠湖

滿城山枕滿湖光洗墨池邊墨泛香那得沙洲圓似月

跨街還立狀元坊

彭義門湖口詩湖光盡日依樓堞山色終朝滿縣城淵明洗墨池在湖口

南三十里建隆初湖口邑前沙洲忽圓明年馬適第狀元

草亭妙相見

胡何切

華髮菱菱交橫水一環忽向高僧訊

清淨眼前真個是廬山

烟水亭有石刻子昂大士象

歇浦潯江接混茫刀書遲遣鯉魚將義驗千里如堪借

懶問余孃趣夜航

潯陽距廬有客過潯山二女屬買絲履客異之筒篋以薦神廟筒中誤置

刀書忽一鯉躍入舟剖之得刀與書岳珂有戊校王成義記宋西巖詩注唐時江西惟余大孃航船最大

苦竹黃蘆百感新殘書斷缺委風塵白公亭下勾留好

拆字何堪對貴人

杜史

一卷雲藍寫竹枝數聲欵乃棹雙移不知誰續淞城志

記取吳蒙七字詩

酉陽雜俎余於江州造雲藍紙

江州郡齋古蹟爲漁山太守賦

灌井

轆轤委深井十丈委絙索其味敵甘泉其根聯地絡其
旁石函書燹火暈煤堊遂使穎陰侯識緯召彈駁長庚
雅好事十字劣千莫颺颺駭魚龍濘泥淖鰕蠃跋浪看
動搖應潮驗回薄鬢眉粲可數護持神所託不然三千
年積蘇日湮涸銅盆桑田揚鐵牛水宮攫遐哉販繒人
風雲拔寥廓

庾樓

孤城抱傑構秉燭宜夜遊陽輪不留照月影清浮浮長
鏡剔宿莽初枕板連銅夜漁撐白板貼水如鳬鷗徐品
玉參差風標起修修遙滂破額雲近沸洄龍湫夙聞白
司馬新年登此樓崔公替庾公斯語頗謬悠緬懷永嘉
季五馬掉塵鞅胡牀落清嘯江柳皆煩愁何獨武昌城
遺跡靈光留瞻言望舒轡冉冉凌滄洲

藏劍匣

攫攫南高峯摩天揚巨刃一氣衝斗牛鑿池與之鎮如
鏡楮且方活東跳波初流沫老蛟蟠浴翮孤鶴趁庶幾

害氣銷永久塞兵覺終憐芥堂水不救薪車燼驕王微
降書悍帥壓嚴陣魚腸飲膏血烟井到今僅搔首上麗
譙謁帝乞河潤我劍嵌七星占望倘猶信

附 讀月樵詩鈔有贈

豐潤 董 榕 蔭千

皎皎雲間月娟妙何多姿清光一以發碧漢明文漪
雲從山川出莽鱗各呈奇月含大地影七寶喻行儀
儲積若非厚安得騰光輝延陵有才子意氣凌高逵
養翮唳鶴灘游擢迴龍磯嗜古好奇服下筆無朋儕
蚤賢過仲容英敏逼陸機上探星宿海一一知津涯
不淆渭與涇能別澠與淄憶昔紅豆叟論列梅邨詩

人天分學能金紫歸鑪錘 國朝振風雅炳炳同周

姬新城及秀水泰華爭崔魏愛俊與貪多飭山尚瑕

訾文人豈相輕貞符盛於斯正如匡廬山峯峯不附

依益知學靡盡孰謂能者稀我讀月樵詩神色爲揚

飛人云金彩錯我見芙蓉滋一切已吐棄鮮液餘舍

頤當其冥搜際庖媧供指揮爲我賦古蹟疏越朱絃

遺筆如麻姑爪我癢君搔之諸體率稱是一旅真精

麾持此磨天揚寧第祈桂枝斯年已如此將來詎能

知會當揖諸老先後鳴清時際余困塵鞅欲語拙言

辭吟時登北樓望夜江之湄長空淨如拭浩浩江風

吹清光印江水萬頃銀琉璃

月樵玉章歌

往秋編修某君嘗以月樵號予今冬嘗熟方
君貽一玉章於編修其文適合因蒙輟贈以
詩紀別

雍揚寶氣鍾琨球土華駸瑩雲油油其徑八寸厚扶寸
上有巴鼻堆青蚪高睨隅目挫頸脰巧匠何處窮鑿鏤
羸形蠹尾篆荒怪相斯皇象兼弼彪落君雙手太神異
致此那得魚銜鉤玉堂仙人粲然笑非逞豪奪非巧偷
昨朝有客尚湖至包裹一一披纁紉玢幽旣愛照顏色

趨趨九驚超匹儔客既贈予予贈子與子前號如鍼投

嗟君號我月樵子馴雅爲擇諾皋九感君一言意差厚

雪泥鴻爪踰兩秋秋風吹鬢玉三川譬以一映當蒯緱

惟餘襟抱等慕蘭小名表字相遐搜冲之竟犯具茨諱

充之豈藉湯恢留予初字充之改冲之充之湯恢字冲之晁用道名前賢章記

偶傳世虎兒名向元暉求友仁銅章曰陸定以名其子

申綱繆友仁得漢銅章曰陸定之印因名其子見雲林集吾鄉雪堂潘桂史二

字兆應官黃州事見妮古錄吾家蓮洋老詩伯河聲嶽色傾

囊售事見池北偶談雲烟過眼雖一瞬種瓜種豆盟前修矧茲

嘉話較奇特無以求劍咄銀舟塌者丹泥字歷歷襲者

文錦光幽幽百回珍玩等懷壁摸索便可知
曹劉嗟予有口莫能辨羊環和璞慙討覓疾
伸側釐命不律燕石敢以瑤華酬裝人歸
船伴書畫乘風高處扳瓊樓

漁山太守庾樓見餞誌別

牛磨圓圓竟踢陳胡琴手碎事難論
海萍跡泛遊談少山桂吟招意味親
晝寢霏香連紫翠
廿樓對酒動紅鱗
鱸魚莫道思歸蚤我本天涯下第人

得黃巨楠家棟南昌寄書

蒼雁驚寒陳黃蘆遶客居有懷江夏彥
忽枉豫章書嘉月淡無寐流雲行太虛
精華論家集詩派更何如

二水讀書樓重陽落木秋
瑤琴復瑤瑟風雨滿離憂
予亦遐心者扁舟理釣裘
落星灣畔過遲爾小丹邱

歸次泖口食鮒懷姚蘭成

世錄

高東井

文照

江鱸斫早秋江鱖網初夏
九物較移人不數青林者
投竿一笑擊鮮餘楓葉蘆
花圖畫如潯陽江上相思
字名士真多如鮒魚

水經注青林湖鱖肥美西陽雖俎以爲在潯陽唐廬江屬江州也

晚登青浦佛寺塔

霞天丹碧涌樓臺獨上雲霄小
遲徊九點高撐仙屐杳
三潭寒挂客帆開鄉書黃犬沈沈
淚戰艦青龍浩浩灰
莫悵英雄與名士登臨須醉月當杯

寒夜食蟹憶漁山太守

狎獵西風響釣船
爬沙何意落尊前
潯陽只有將糖蟹
縱少監州也自憐

九江楓樹絳層層
輪我歸燒斷後燈
畱與庚谿作詩話

好分斗酒下金陵

簡後燈光憶往年太守食蟹句

舊居凍梅作花

僻地稀古懽
夢寐別嘉樹
移居僑道南
理策次東路
初日凍猶合
孤芳心在素
春淡回枝間
雪霽辨花處
百感忽繇繇
蒼寒四鄰暮

白華前稿卷第二十八

南涯 吳省欽 沖之

古今體詩勸遊集二

旃蒙大淵獻

閔貧谷聽泉采藥圖

弱歲諧隱心鹿門契遐趾長鑣幸無恙一徑白雲裏藥
苗何欣欣泉流亦瀾瀾譜爲韶濩音天風四山起謀耳
賞所安延齡貺斯美感彼澹沲人息心悟元理谷鳥鳴
啗啗攜手行與子

秋圃十鶴圖照

高臺風露蒼小圃烟霞重推手掩鶴經舉手支鶴俸

遼海人能鶴語臨皋鶴見

胡創切

人身借問是真是假劫

來相近相親

威遲白鳳若爲容一鶴招要九鶴從乞傲薛公十一隻不妨隊裏著吳儂

劉東玉玉火筆蜂援

劉侯畫訣驚絕工上策往往師火攻擅場出奇破孽膽東絹平鋪炷香椒熨貼細意蘭氣微仙人骨輕雲一絲遺山一絲焦灼筆真渴一絲縈遶法尤活爛漫渾如野燒勻光芒轉訝春星發自言衣帶學吳曹逢著仙師嬾

更猶但攜火宅金蓮相小住烟花阜茨橋揚州畫手多
前輩一手玲瓏萬手廢烟火神通似爾稀丹青水墨復
誰在貌出山蜂嶺猗圖經營意匠及錙銖龍沙直北邊
烽靖投筆封侯更不須

野市

春樹碧無間好風吹葛巾孤懷隨白鳥芳澤散青蘋遠
寺誦經客壞橋呼渡人相逢笑相訊何處東荆薪

夜雨漏及臥簾

早田花豆水田稻黃風出海烈於埽比年手慶條不鳴
舊穀新絲得溫飽春來迎送梅雨調衣桁巾箱就乾燥

蝸牛無復綠壞牆魚鼈公然藉夏槁桃笙八尺方穩眠
夢邊布瀑石梁倒可憐數椽瓦所爲不及油衣蔽身好
急溜有腳被泄穿大點如拳枕雨擣初猶魚眼黃浮游
繼漸蛟涎白茫渺苦尋鞠窮馳方法縱學冬烘久煩惱
因憶去歲休夏時白公廳事壁深窈匡牀透漬紛似麻
局促羈棲寢天曉此情此景將毋同列缺豐隆任相黜
况聞天河洗兵甲一月四捷振天討赧虹萬象行向晨
奕棊一罍便趁早茆屋秋風誰獻歌安閒欲做杜陵老

暑夜

襤褸披星趁急裝倦遊心事世相忘草蟲受露不停響

月落小橋支子香

送人之衡陽

烟水白雲鄉孤舟杜若香觀湖平八月聽瑟上三湘書
雁遙難寄羹魚賤可嘗歸時發行卷應有楚騷章

王荈真草千文墨蹟歌寄漁山太守江州

周給事集破碑字義取急就凡將篇撫臨自出永師手
鐵包門限爭蹋穿成都明經事蜀益諸畫吏隱隆平偏
中年入宋佐著作作帝曰字學譌流沿勅開內府出妙墨
如象蹴蹋龍蛭淵著也奉詔拜稽首告成閣帖銀鉤懸
由來審定藉羣雅况有筆法超時賢當其授帝換鵞帖

下直影漏龜紋執疎簾清簟命散卓書陰硯格

著者有書陰硯格

銘窮祕妍二千餘字夾真草一字一朵蒼雲烟一如游

絲態娟好一如劍器光騰旋佳札定儕花蕊句蒙塵幸

脫宣和年昔觀涪翁此遺翰雞毛管搦三文錢

山谷雞毛筆書

千文今藏周浦塘孫氏

奎章天籟印雖在鉅公跋尾茲較全因思

宋有兩王著彼以縱酒干風愆何如覃精究文物筆勢

一落迺而圓惜哉後生變院體肌豐骨弱譏佻儼廬山

真面固無是插花宮女姿天然雙鉤絕技我未慣羽扇

空泛潯江船安得乘興載缸面賺君歸竝蘭亭傳

查榆墅實穎送凌

釣罷秋江四十鱸
慈姑葉爛白蘋枯
吳娘祇耐湘猿冷
一曲淩歌抵貫珠

渠碗筠筐點綴斑
記憐三載別家山
草場浜上迷深雨
孤櫂招要第幾灣

自招菱角香山童名計菱租
十畝銀塘水氣孤
容得老饒剝

香玉不教殘夢挂雕胡

玉峯過曹習庵仁虎寓齋不直

赤城嵯峨風鬟笑
聞君遠度石橋道
青楓搖落烟鐘愁
聞君穩下吳江流
江東歲事今大無
釣家亦復荒魚租
閒來插帽尋花伴
枉爲持螯覓酒徒
玉山山色佳如此

玉山山人喚不起遲君同上缺瓜船世事東風射馬耳

鼎寶堂歌應晉寧李師教

千人萬人廣場整畫轅日高角催警芥澤遙吞三柳波
蓮花倒壓九峯影方今盛典席闢門梗杞量材斥瘤癭
持衡使者台鉉居玉尺臨江發光景贗器寧教金鼎蒙
獵碣能披石鼓永傳呼啓事夜未央隔院茶聲沸雙餅
厓巖豁開交沈沈微聞桂子小山打是時露氣冷鴉背
堂下毛錐脫囊穎結陣平挑雨蟻酣揮毫亂嚼春蠶猛
迴旋紫氣占潭潭奔走朱門陋鼎鼎吾思雲間稱大藩
鼎時三吳足烟井讀書臺圯洞天荒歇絕風流付憂耿

閭闔身名可手非獨仰堂皇斷畦阿斯堂斯義協鼎吉
宗伯標題發深省

鴉翻楓葉夕陽動得翻字

寒暉掩冉凝霏下倦翅低迴作陣翻白鳥兼飛涼候蚤
青楓幾樹暮雲昏垂垂絳葉花騰采淦淦金波墨弄痕
古道風烟迷野店寥天霜信媚江邨銀華薄染暉終淡
玉露同彫景倍繁酒幟模糊對影齋鐘漸瀝靜忘言
相看枝鵲星河迴爲戀梧凰海日溫西塞漁歌清夢杳
宮鴉啼處挂朝暾

江上

落木晚蒼蒼開襟割大荒秋陰紫草白初月滿江黃一
笠人催渡千檣雁叫霜年年倚長笛來往水雲鄉

冬日見石首魚

南風吹熏鮫蜃腥此魚入市傳侯鯖北風吹雪鵲雀死
此魚登庖歷仙鯉夏魚價賤冬價高稗冰西下漁父驕
將魚換米意麓足米少魚多化成鱖

牖港阻凍柬周思永

窮魚窮鳥態凌兢黃歇祠邊朔氣凝淒雨欲飛還變雪
寒潮雖上不衝冰半開鵝鳴慳冬菰兩岸魚鰕絕夜留
未必今年仍釀酒單衾破帽擁深燈

以壽山凍石乞助茲鐫白華字

石經石鼓五星列縷短井深氣悲咽先民撥蠟銷膽銅
如此印材製奇絕吾兄嗜好殊酸鹹文筆詩裁信高揭
鈍刀入手如旋風朵朵墨雲繡蒼鐵銀濤萬斛浩虬翻
絲繚千尋餓鷹掣懸鉞披薤藏中鋒螭篆蟲書奉正臬
力砭俗學追古初忍令分茅設綿蕪近今無諸鑿壽山
亂以礫巖質麓劣花乳差供椽筆投白華要補雅材缺
六草三眞誰最工方畫圖書我親別書眉畱記映丹素
札尾牢鈐趁凹凸秦川如掌燕臺蒼蒼會遣他年訪殘碣
聞一個絕食置鳩於麪而妻不知適壻至索食

勿與壻去遂枕籍死效漁洋蠶租行

歲晏結愁疾黽勉謀安居富歲猶寡懽凶歲當何如良
人勞服疇一雌將衆雛元陰號北風烈烈吹髮膚匍匐
就所親所親無宿儲笄笄溝中瘠四顧何以家東廠施
茶湯西廠施粥糜芸生殊造次蒙袂空爾爲嗟來義不
食仰屋長歎歎三日休我糧五日罄我蔬何用易斗麥
我有雙綺疏何用質隻雞爾有單羅襦往年荒夏早今
年荒秋初青黃固不接藉此慰飢劬客從何方來雪色
犯敝裘殷勤奉杯羹庶幾同戚休丈人笑謂客愛我姑
勿嘗五日罄我蔬三日休我糧來朝噬肯來申義壻與

翁客去戶已闌枕戶彼一方

婁江不得訪弁州梅邨居址

婁水雲間派漸非舊家亭館思依依秋風古渡汀蘆老
暮雨空城塞雁飛萬種煩冤沈血淚一時宏長趁光輝
寒潮絲邈扁舟逝卻采香蘋嘅式微

柔兆困敦

西角邨梅花歌

城南西角邨幽虛散人蚤結方畝居斷壁壞垣黯無色
平地涌出青琪玕槃姍姍自亞枝入枝枝馴攪春蛇紆
一朝驚竄欲騰上不受約束穿崎嶇中央蒙茸怪藤纏

四角欹側華蓋扶是何矮幹不三尺橫掃甘步紛枝梧
無花之時足游衍況隨么鳳窺花鬢茫洋元氣一枝放
散漫晴雪千辨舒春風無聲到香術獨立真見傾城姝
斯梅移栽自盆盎膏脈氣母潛呵噓如人黑瘦得頤養
面貌一昔加豐腴縱然隔塢竊嘉樹枉笑熱客驕吾徒
遠追梅龍見放翁集近梅弟飛鴻堂梅爲姚藥巖手植以弟呼之蒼霧下滴冠
巾濡一重紙帳一枝笛三更月落春模糊不爾巡檐日
千遍采花作糧餐有餘當今圖經太滲漏容我徑以梅
邨呼災年遊賞足眼福別樹空復催提壺

宣和牌譜題後

春衣雙盞孟家蟬吟到唐音字字圓
小點紅牙三十二不知勝負幾金錢

畫譜花綱浩劫哀青城營口打毬來
井公六博輸贏慣孤注何人學寇萊

春市

春市魚鰕論價難茸裘破帽泥輕寒
何人尚著旗亭酒病眼麻茶獨倚看

社鼓鼕鼕耳斷聞三旬九食到春分
麥芒未秀蠶心短紫燕公然掠水芹

朱聽留蹤爲齋壁吳潛承學在官衙
瞿公宅畔呼風鳥

消得清閒志鶴沙

楊誠齋有鶴沙
朱龜尚彝齋銘

崔子忠鍾馗

濠梁阿崔留後人萊陽山水長安塵有園旁向方閣老
有馬贈自史道鄰朱門鼎鼎掉頭去盆魚盎弄春如霧
馮衍孺入慣對琴左思嬌女頻裁賦忽然揜袖豪素沾
神妙僵走顧陸閭莊嚴寶相渺何處齒牙棧齷齪垂髯
髯公廼面髯皮老赤豹文狸馴不擾小妹誰乘破浪雄
大圭略記終葵寶鬼魅易盡狗馬雖藝事每動神明嘆
東都廟壁地獄相到今側詭驚人寰鬱陶苦憶有明季
土木形骸軍國寄戰骨如麻椒醢空游魂爲市紙錢至

骷髏之樂南而餘崔生感事爲此乎曷不佩作黃神越
章符司門御勝壘與茶水鄉無復俄鬼來睢盱

西堂

縣縣遠浦雲漠漠孤林曉巖磴閑無人數蛙動莎草

寒江獨釣圖爲朴存上舍作

抱琴溯寒江江色皓晴雪永懷游釣蹤獨舟坐將發非
必羨得魚道心自芳潔枯荷凍猶響去鳥遠纔滅卻笑
武陵漁烟波遽成別俛仰思悠悠目盡楚天闊何當風
霰期與子逝遐忽

齋前一紫牡丹荏苒就枯四五春矣今年忽報

二花其一並蒂

當風百舌悠颺呼思辦櫻筍開山廚每晨板聽拓雙扇
寶鐙紫府仙所都仙人以身見胡甸切富貴紫色閭位談

何迂老天尚憐少芳伴寵錫兩辦承單拊花卿拜命逞
韶冶擁背卻立丹墀璿良辰試香薰蘭麝犯卯獻媚酣
醞醕杜家紫雲吳紫玉欲化不化颺六銖回思往年閨
生態富媼無自加呵噓如定戒僧稿黃面膚葦雖具神
終枯窮酸致此殊過望一昔駟宕春夢蘇風華菲菲傲
紅藥月令冉冉瞻青蒲彼同功齒兩歧麥愛而不見心
躊躇斯花慎勿殺風景栩栩幄布牢撐扶養花醉花按

花譜觀妝對倚雲霞鋪滿堂動色嘆神妙二美匿笑難
描摹忽思洛陽相公世忠孝經進歷碌歸天衢

將移郡郊蔣涇送弟省蘭隨古心叔之沅江

一舸郊關去蕭條別鷺盟人如家具少潮共淚痕盈賃
廡謀雖左循陔義可貞深慙令狐子蓬首隱春耕

邱墓情何限田園力未任離聲楊柳調宦跡正蘭心骨
肉差池易身名龜勉深終思洞庭水繫纜聽琴音

戴洪

黃草鞵疎蒲扇輕山雲欲暗浦雲明稻花白過豆花紫
吠蛤遶池時一聲

古歆血槃歌

耶谿出銅冶作槃云古歆血盟不寒古人伯業逝如水
苔昏土暈交團團虎犂鳧尊別款識瓜皮萍葉同點癢
越元黃戰起侯甸濡縷長染車輪殷衣裳之會彼善此
介圭雙捧鏘和鑾玉敦琬戈列左右牽牲穆穆升壇壇
鸞刀啓殺先馘耳俾豐器饌修古歡論年論爵歆告畢
皇天后土憑誣謾反唇相攻竟莫辨覆手作劇仍無端
要盟特筆聖所惡遺器徒切興亡嘆丹雘白犬本夷俗
要假口舌輸心肝惟傳是物號彝器饗饗張哆徇爾鑲
自來銅質貴堅薄入地出地形神完少君倘此獲親見

柏寢何必論齊桓
斑斕直笑魯鼎臚
臘臘欲發汾鼎奸
銅腥溼蒸血腥乾
十指捫摸忘朝餐
殷周誓諾鑒疑畔
且奉沃盥供揮彈

題歙人方

輔蒸山廬墓卷

團團茅屋蓋頭低
上接華山下封谿
老我閒門宜買隱
有人負土迴令悽
蕭蕭落木將風下
噉噉清猿入夜啼
制舉不曾科孝弟
漫將勇怯細標題

遠道靈輶挽夕曛
梁鴻遺命樂吳墳
九原菽水空消息
三徑蓬蒿愴見聞
詩異移居元亮語
哀同誓墓右軍文
他時莫上黃山頂
回首如蘇是白雲

永濟寺江壁覓明潞藩敬一主人石刻蘭不得
幕府山邊氣蒼溼經魚粥鼓澹相谷如話蒼黃南渡年
麾扇投鞭衆靈泣無數雲山遶舊京懶從遺蹟問間平
國香零落王孫老笑見沙禽塌翅行

燕子磯望江下永濟禪院觀娑羅樹歷三台洞
一綫天尋達摩洞不得而返

山心乘務閒微涼肅秋曉重門豁遐觀一磴引孤討蒙
密烟叢紛蔽傾石梁倒聞泉答瀟風爲亭肖華島頡頏
勢欲飛蟠踞險斯保滔滔紀南邦凜凜候西顥跂足瞻
載巡四山盡呈巧

陽景闕蘚苔蒼寒晝如晚風華錯繚垣陰翳被修坂霏
霏苾芻蓄竊竊娑羅偃移根載洋舶落子盛平雕簪行
慰遊子襟側見名僧飯道暑多窮巖觀濤復高巘默守
全吾天初服誓當返寺僧跋公壽
至百有四歲
路暝峯更迴輾轉獲蒼洞斷文野蔓纏清影石潭動千
絲白氣蒸一鱗青旻縱何時鍾乳垂漸作堅冰凍琪草
紛可拾仙鼠渺難控悠悠面壁賢湛湛名山夢歸鳥倦
無譁藤陰流梵幄

金鍾越方漱泉吳松原二匏邀醉長干酒樓

青谿楊柳白門鶯十五當盧巧笑迎一種明珠要彈雀

琵琶亭畔不勝情

鍾越嘗以行卷投九江關吏見詆不納

歸燕吟成近十霜吳鞵重踏大功坊故侯翠落遺民老

忍見西風字數行

故事貽違式舉子名籍於大功坊時予次場被貼

夾道槐花漠漠滋諸公袞袞我遲遲柔腸不分隨雲水

嫺闕黃河遠上辭

別鶴驚援畏及秋江魚同掾小遲留來朝烟艇天南北

何處長干賣酒樓

江夜

流水青山斷六朝清尊纔到鬱金消孤舟夜泊西津渡
惟有砧聲慰寂寥

九月曉雨憶白下同遊諸子

登高予所懷候且數清漏北林鳥以鳴西軒琴始授蒲
澹當層陰寂歷汎檐溜欣茲佳雨足獲此幽襟漱泉壑
遲竝遊川塗罕良覲努力聽修名紫萸被芳圃

登超果寺一覽樓

雲間大藩地祇園如布基何方擅雄長城南遵九達喬
木飽元霜丹碧澂餘輝徑古野苔滑氣爽秋鷹隨祝融
浩三劫零落炎趙碑忽驚日月光長照龍鸞姿

寺有聖

祖御

書 吾生媿賦手屣步長歧歧南榮敞豁北牖含厓

屨樓前萬閭井齒齒成櫛比數峯潤婉孌三泖明漣漪

轉憶春夏交於此施粥糜山川久縣邈事會終推移
高坐懷古冠纓沾泗洩去去默無語金鰻方躍池

聞官軍大定伊犁

門遶寒流掩菊叢捷書迤下大江東條支部落椎牛暇
葱嶺關河節虎同千帳霜高晨納款二庭烽靖曉班功
蒲梢天馬超前史應有明禋告

閔宮

朝正頒朔命堂堂西極星辰待測量豈比車師降寶固
未勞谷永訟陳湯驚魚沃釜魂雖竄戰馬埋沙骨漸香
能使宸襟一遊豫東南輿望蚤飛揚

夷白堂觀羅牧所做李營邱秋江歸帆

章水流貢水流買帆兩泝九江道恨少馬當風勢浚洪
州州城勝處北蘭寺寺壁烟江疊嶂交沈浮壁不過三
四丈畫不過七十秋誰其作者羅飯牛飯牛詩畫抱還
寄綿津贈語通塞脩卽如此圖亦復師營邱邱下橫一
江江上橫一舟舟行風利泊未得樹無枝葉人無眸主
人愛畫入骨髓展畫玉又不離指春時購向東余峯便
有秋風滿廊起畫中有山亦有水畫中有林亦有葦不
知東坡心折晉卿圖雲散烟空定誰比忽記前年歸九
江十幅秋帆淡如此

海虞雜詠

一坏東海隅名興讓王亞時逢采藥人來去寒山下

右虞公墓

荆南無俊民六藝發光景如井養不窮吾道得修綆

右言公井

朝登越女城夕下齊女墓環珮音璆如涼風蕭華樹

右齊女墓

臺前融春陽臺後颯秋氣江左映清華選樓望迢遞

右昭明讀書臺

昔聞一峯老久作城西客粉本妙天然寸岑卷濃碧

右西城圖畫

何王蔭仙李春代黑爭蘇襪乃知七星檜不亞七星松

右李王宮七檜

拂水山莊故址

水簾斜捲日沈沈
想象尚書結故林
與飯名僧松竈矮
熏香小史竹堂陰
絳雲舒卷光埋燼
紅豆玲瓏曲斷音
惟有迴颿激巖雨
淒涼如聽雍門琴

北寺牽連黨籍收
甘陵名姓重山邱
蘇耽化去終華表
江總歸來竟白頭
烏鵲無枝虛館暮
鹿麋有跡野塘秋
莫言此地非金谷
贏得佳人也墮樓

十三朝僞體親裁
撼樹蜉蝣般薄雷
直道猶存容我假

浮生若夢爲公哀
管絃高臥尊安石
腰扇時名薄彥回
卻上層巖重搔首
永和宮殿莽飛埃

青陽丹夜

涼風振枯葉
晚爨上寥宇
斷山黃歇縣
落潮范蠡浦
沙渡亂歸人
寒燈悄聞舫

君山懷古

接跡原嘗冠楚廷
特畱封爵號山靈
紫迴珠履循牆見
杳眇環琴隔座聽
鬼火晝沈邱墓黑
神潮秋落海門青
包藏禍患由榮利
季子高風感涕零

過姚安圃涿山房題其詩卷

舊友如風葉蕭蕭散各天不圖長谷水同賦卜居篇稻
蟹艱遺種雞蟲曠後緣薄寒修竹底一笑倚嬋娟
夙愛虞山道多君作先遊永懷廉讓語酷類賈胡畱別
業虛紅豆行吟起白鷗若逢慧車子學道更何求
數卷烏絲字遙憐結習濃黃河怨楊柳淥水出芙蓉唱
和誰編集行藏偶寓蹤焜煌三大禮期爾賦雍容

冬過徐春谷

雲鳳見桂花

相對徐公美清言罄古歡退懷學莊老談藝酷申韓鹿
柴荒扉敞魚牀曲沼寬自成讀書處真可傲簞官

桃李豔春華連蜷桂影斜又過重九節纔報兩三花秋

閨開宜遲天寒色轉佳因君感蕉萃晚翠倚枇杷

歸黃閣詩爲魏敬涵

近思作有序

敬涵藏涪翁手蹟爲其先尚書彥恩公所遺
蓋靖難時得自遜志齋者敬涵旣付質庫爲
人掩得其券事久不自官爲出之因名其閣

生不願公與侯死不願松與楸高曾手澤落人手坐使
男兒感慨結臙之氣橫九州嗚呼聚散事難必對簿歸
來笑顏溢撫呵擁護徠真靈魯玉楚弓此無失奉觴阿
母爲承歡祭告乃翁特涓吉君家舊住荷烟莊將構傑
閣題歸黃草堂之貲待誰寄在莒之義無時忘要

平我

歸黃歌示我歸黃記三遷桑海嘆揚塵九族恩仇嗟遜
志由來迷問遣尚書從此家珍屬諸魏嗚呼尚書能庇
遜志之子孫而不能庇子若孫之居賤食貧嗚呼尚書
不能庇子若孫之居賤食貧而能庇子若孫之世世清
白毋致巧偷豪奪於他人祖病語兒母父病執兒手贏
金積德兩何有此容畱貽期不朽莫從質庫典千金乍
可薄田鬻十畝朝從質庫去暮攜質券歸致身苦不早
淚下沾裳衣客攜質券歸悄從質庫去代桃僵李事不
常求劍鏃舟問何處呼號散髮同招魂良久始獲廉其
真文章太守神明宰我我高義摩青曼匹如曹公贖蔡

琰徑隨杜老歸羌邨示我仙丹裝撫我涪翁蹟屠希妙
筆不論直瘦硬通神字踰百伏波祠邊句觀壁明珠薏
苡共悽惻宜州萬里死遷謫先後流傳世莫稽賢奸名
氏人猶識有睿思殿買秋壑王陽明鄧文原收藏諸印憐君枯淚交斑爛未
忍賺君學蕭翼石臼湖波天一涯他時容我泛輕篋直
登處士歸黃閣不羨王郎寶晉齋

寄葯岑

偕君昔遠行忽忽自厓返沈寥雲水重凄切雁鴻晚中
覲恐不常致身應漸遠東望藝菴園停盃發纒纒

白華前稿卷二十玖

南漚 吳省欽 沖之

古今體詩奏賦集

強圉赤奮若

倦遊既歸奏賦被召此長卿事也今草茅之作非
行在不得繕進 上以乙亥秋豫不登萬騎千
乘或妨民食俟丁丑春載幸江甸省欽以奏賦與
試授官是役也學使者先一年集試於江陰奏名
既上始集江寧 御試焉往返多附夜航其戊
寅直廬所作竝附是集

白荷門汎石湖

有湖尊賜莊四明企高揭懷賢抱乃沖出郭興始達暖
漲迴塘盈惠風獨舟發柔桑落女筐雜樹表農岱冒水
青荷倚泳波白鯁沒芳蕒散微馨古木布清樾稍見白
鷺沙遂朝紫貝闕瀛瀛蒸眞區浩浩圻於越墟遠浮半
環峯明引一髮茶嶼希近游洋灣敞旁突果焉侶水仙
因之謝朝調持補洞天書左神竝超忽

登上方山塔望太湖

茲山頗綿延瀆祀聞在昔意行邈幽襟心賞媚靈宅茸
茸竹篠陰巖巖石稜窄路劣掄轉輕厓崩瀕交逆聞鐘

道心清瑤塔塵思滌玉鏡輝熒熒銀宮爛澤澤三州儼
當孟二峯恰扶屐遠氣浮溟濛繁州蒸婉嬋恍契楞伽
旨試探龍威迹習坎孚所占未濟行自惜藉彼春日遊
稍與夏書釋取材乘我桴浩然永朝夕

滄浪亭

窅窅滄浪吟滄浪清至今如聞楚漁唱重見逐臣心隄
護千花暖祠藏萬木陰春愁似流水晚晚付朱琴

山塘同知白作

半臂春寒淺勒花白公隄畔盡卽忍切風華銷魂願化紅

心草和雨和烟送犢車

短短芳芽乳燕輕金波斜貼玉沙平舵樓試照茜香髻
虎氣銷磨夢不成

幾陣傷簫聞玉簫半塘盡舫過桐橋不知短簿祠邊月
早上東風柳萬條

吳閭燈火勝秦淮七里銅街有墮釵攜手玉蘭房一簇
看花休泥太嘗齋

二月十八日望亭迎

駕恭紀

蓉湖湖水下金閭暖泛靈槎著日旁野市如雲停士女
春田過雨潤農桑藍袍染柳迎仙仗彩幄浮花惹御

香敬聽黃門宣

帝語末臣懋媿獻長楊

山家

連山蔽朝日，吠犬出田家。
餘粒降飢鳥，古藤纏蚤花。
相逢寬禮數，不解涉囂譁。
借問小兒女，可能歌采茶。

將抵平望大風雨比暮始達

沙頭烟火漁艇橫，風雨作喧兼怪聲。
白玉柱金庭畫如夜，茶臼筆牀止復行。
泊宅舊居卜嘉遯，選妃故事垂芳名。

鱸鄉散人坐蕭颯，水閣暮寒聞玉笙。

澄懷錄泊宅邨在平望震澤間乃張

志和所居王光劍氣集憲廟選妃江南姚氏女素寡髮舟過平望一夕而髮長八尺

宿龍潭山家

垂鞭聞戒鐘，曉曉日云晚。
夕霧霏平林，陰火闌遙阪。
蒼

蒼人影寒杳杳牛跡返寒星朗更稀虛巖晦逾遠破門
穉子迎爲黍丈人款清驩知所欽古誼亮非淺回拂衣
袂雲纏纏琴壺滿徇俗感驅馳遺安寶訓典明發行攝
山別君良繼綬

御試鴻漸于陸得時字

有鳥搏風起廻翔逝影遲彈琴方送目振羽必爲儀
翮健摩雲上毛輕切漢移陽泥辭舊侶避繁出高枝五位
占爻協重霄得路宜鶴書偕照耀雁贊少差池幸忝三
陽會光逢一舉時奮飛覩素養龜勉企天達

三月十九日應

御試翌日蒙恩賜舉授

官恭紀

朱雀航南白鼻騮此行端不待槐花試關祕閣榮徵召

宋祕閣召試六論

地選高衙費別爬

浙江試在公衙門於此集試

行殿江寧

御墨含英題尚溼賢王鎮俗坐無譁撐腸文字慙千卷

濫酌

堯羹五色霞

黃紙傳宣出離宮青袍如草拜恩崇人隨鴻羽聯翩

上才類蜂腰位置工獻賦功名三禮大繪圖蹤迹七賢

同雲間譽望矜畱半知遇寧論顧謹中

與試者二百餘人列一等者七

省欽名第四第一名進士王昶以內閣中書即用餘俱賜舉人需次中書二等十四人各賜綴二吾郡與試僅九人而一二等各列其二明華亭顧謹中以鄱陽湖詩進御被賞因以經進名集

江北江南俊拔尤有人地望冠龍頭桂成六出飄香早
薇救雙歧對影稠下士幾曾高月旦簷官從此遜風流
諸君被乙休吟悵天上華縑字字酬

再四蹉跎勝未填

吳諺鄉試填會試聯

蹇人豈分上青天科因

制舉爭鴻博典爲

游巡予量銓數載修成詩漸重孤

生痛定淚翻連

九重恩誼榮將母說到涓埃意惘然

白下與諸子別

十載眷華音相見要瓊佩流唱自春容臨歧忽茫昧風
笛短亭疎漁櫂廣津晦與子非燕鴻奚爲此分背

晚泊

簾飄邨雨飛欵乃暮航唱遠水墮春陰秋在竹梧上

建德梁 應建鐵畫

何人治鐵如治兵聚米突見

胡句切

山川形何人攻鐵若

攻敵摧堅奮挾兇犀力積康鍛竈緇風流郭縱鑄金嗤

貨殖不因人執童子鴻霏霏鶴髮飄三鬢當年苦應權

關聘畫工如山進御同維金演範曰從諱丹青水壘才

皆庸捶鉤鍊成怒髻礫裝炭鬱作晴霞烘爲瓶爲笙響

勃率信手錘出堆橫從純鋼繞指洩天巧藏棱出力非

人工有時變相貌入仙鬼否或薄技彫魚蟲不然置身

一邱壑石梁竈窳泉琤瓏麟膠黏膩貼四角卦木牢綴

排當中崔徐董巨鬼夜哭冷雲一朵光溶溶今之繪事
昉軒后鏡背肖象開首聰夏王鑄鼎納三品神姦魍魎
斯不逢後人作畫貴沒骨丁頭皴法埋秋蓬六州大錯
坐如此梁侯鐵筆真鐵龍天神下視兩師埽豈異干莫
成雌雄紙年一千絹八百鐵君神壽萬古無終窮

華嚴庵聞琴

竹色綠娟娟天寒思幽絕散髮投妙香振衣候嘉月冷
冷七絲彈皎皎萬象越何用聆道言徘徊坐忘發

拙詞有朱太守若炳所題賀新涼有感

潯陽江上琵琶淚悲媿陽阿絕妙辭不是館山門下士

肯拈翠管賞烏絲

琴歌爛醉等窮塵夢斷鄉園入桂春借問琅玕好兄弟

西樵然脂集原稿百六十卷中有阮亭更定者朱官山東時得之

題方漱泉耒耜十一事詩後

松陵詠漁具百物綦備詳作經釋耒耜惜未垂篇章搜
奇追衆壑星宿翻遺忘廣文儼不足石田嗟苞稂時從
田父行沿流窮濫觴採木義取益國工矩陰陽其職在
車人地利煩測量上勾與下勾利庇惟所冀叔均肇牛
耕扶犁如服箱犁具十有一一一端形相遺言何肆好
歌謠宛備將補入齊民書昭然刮羣盲繫昔皮囊美嘉

自注
逖同流浪行簪及獨速繼響殊鏘鏘與君別清淮嘷嘷
周一霜雖懷學稼間終虞種豆荒讓君發高唱夢寐交
農皇

秋夜懷楊鐵齋李知白

郊居疲往還向夕始消散秋氣軫遙情易旨撫餘玩林
間鳴鵠來階下語替斷自違素心友歲月倏已換憶竝
吳趨吟亦同秣陵飯會合因多艱庶幾盟旦旦當爲穫
稻行或作釣魚觀曰予遠芳塵因時永晤歎

中秋燈市安國挈歸潭上隱居坐雨

出處跡如踐童心壯未銷樓臺懸海市星火借元宵牛

飯昏黃候羨歌采碧橋相將秋士感歸聽雨瀟瀟

汪秀峯飛鴻堂印譜

六書漸決裂型俗敦稱先煌煌籀與邈如日中天懸無
由昭衆聾听夕供漁畋過或誤於渦馬亦譌爲焉遂令
官私印雖美無由傳汪侯富才藻篆韻都貫穿宣和諧
八卷坐對忘餐眠况從煮石農花乳經剔鐫神天妙刻
畫奏刀聲騁然孰分韋蔡席孰拍文何肩藉此眞汨董
相與長周旋丹泥拓素紙到眼驚澄鮮神寒骨九重一
紙千璣璫恭逢右文代同文光幅員是書出家塾毋致
觚而圓熏以都梁香襲以同功綿展玩日千遍暇卽揮

五絃迢然草堂上日送鴻飛翩

得蘭弟湘陰信

安穩湘南一葉舟離情東遶洞庭流
懽承王母遊偏遠學附經師養貴優
楚甸月明隔千里吳江木落過三秋
竹林舊賞睽違久合聽清猿起夜愁

故居寄唐弟

祖樾

郡城一爲別相望不相從斷隴數花吐
匡居孤雁逢琴尊朝海氣栗椽綻霜容
樂酒能來否門前雪澗重

宋徽宗畫鷹

道君愛畫搆畫譜更繫牙牌署毛羽禽
荒外作白龍圖

蔡豈止起居教鸚鵡身通鳥語知鳥情鷹師畫師惟帝
能細筋入骨肉爲食愁目四顧天摩騰將吟未吟瞭非
瞭欲啟黃龍抉重障頭驚設宴焉足多羽鳳來儀總難
望青華道籙冲且和然頂煉臂條禁多牟駝弓箭禁不
得嬉嬉燕雀紛投羅當時畫法亦神驚不比鸚之事游
戲壁間真見姜參軍殿角誰呼奈何帝非無諸將效鷹
揚元氣消磨花石綱積雪盡驚飛鳥死興妖早見內蛇
亡終古螻蛄伺蟬翼勤勸貞淫驗消息爾鷹擊斷縱通
神沙漠書歸雁堪側

同東園春谷過沈沃田不遇

徐南吳北我中央豆湊無勞咏屋梁畢竟詩人遠塵市

白蘋紅樹小池塘

委巷叢談俗謂邂逅曰豆湊

買隱龍潭歲月適苦隨官閣戀揚州馬曹過訪太狂誕
興盡雪深歸去休

至夜張丈

秦源招同文讌遲趙璞函不至

回谿寒枕玉琮瑤節近圍鑪引興長高樹鳴雞懸海日
平沙獵騎犯吳霜仲容遠媿青雲器上客交裁白雪章
爲報倚樓人惠我大旗摩壘看堂堂

雪夜聞鄰槽壓酒時盆花頗綻

稷雪蓬鬆打夜寮槽牀疎響注盈瓢少陵一語真癡絕

盼斷牆頭過濁醪

海紅萼綠影交加坐勝春遊玉鼻騮分付迷門莫輕掩
待君攜酒對唐花

著雍攝提格

自楓涇至杭州作

楓涇流水接朱涇鳴嘴平移醉未醒記取杭州三百里
夜鐘不斷是南屏

鴛鴦湖水綠如烟撲面輕陰兩岸連怪得采桑人引避
秋來還上采菱船

夾道蘂腰草色長野荷花紫菜花黃春泥漸有風流分

三
入芳田膏女桑

語兒亭倚石門開
烏戍烟濃夕照迴
卻上塘栖看雪粉
如船冬藕滿湖來

松毛場外屋鱗鱗
春市租成價幾緡
拚受水仙王笑我
勸遊人媿樂遊人

鍋底銷金一覺空
餘杭兌酒苦匆匆
如何但發山陰興
飽乞樵風入鏡中

渡錢塘江大風雨

吳地連越山邾魯
聞柝擊行省界畫
之截若葑田陌吾
與西子期成言苦
難克竹轎穿人烟
路轉霧霏白豁然

望江門覓渡船一隻人以轎爲家轎以船爲宅松火幾
絲絲遙見西陵驛江湖健於龍無計退鳴鏑豈知擲鵝
來若就淺盈尺急雨與之俱竹傘碎如礫避風風稍止
避雨雨旋積沈沈赭龕晦黯黯臨安夕啞啞水鳧呼羈
羈岸沙黑日體旣飢飭行理亦紛籍我車負我登溼泥
銅牛脊爲念廣陵濤作詩慰行役

梅市

仙尉辭官日飄然狎海鷗無慙子陵隱眞作會稽遊野
店圍春草空塘帖暮流吾生甘汗漫誰復姓名求

曹娥廟

少讀度尚碑維神居上虞荒沈周末胄厥考厥諱盱弄
潮戕厥生神乃殉以軀浮瓜瓜爲沈負尸尸爲趨當時
詭靈異此後知何如著錄不一家徵信辭非訣歷祀千
億春玉貌明璫珠貝些競楚渡舸蠻通陽巫吁嗟幼婦
耳垂芒同斗樞我行指姚江弔古心躊躇一歌河女什
江水含悽鳴江身漸偏側江樹連青蕪神鴉掠水至翻
若墨點龕霓旌與翠蓋颯颯堂之隅堂哉浙西墓一岳
復一于堂哉浙東廟一曹復一諸諸娥會稽人見明史列女傳會稽
兩列女煌煌炳寰區明神尚孝義梟竟庸勝誅江流不
可廢聊用驚頑愚

琴川別駕回時行樂

樂遊宜及春
匡坐亦怡然
陽榮暄雜英
陰牖沃新藪
碧甌方獨傾
朱絲復徐展
喜心諧芻尼
耕計課穀大
坐臥
恭今遊風浴
拈昔典茲懽
信可珍
益益太和轉

咸田莊上吾曾到
柳陌藤灣夾鏡明
料理風荷千萬柄
與君水閣夜調笙

黃菊不須種
羅生高隱家在室
旣相對入舟還同挈
沈沈晦楚雨
靄靄明江霞
乘風信孤往
懷人安有涯
於時
秋漸深
寒氣川上加
霜姿改楓櫺
沙雁鳴嘔啞
賴茲采
隱心可以凌滄波
有花淡如此不飲將如何
歸櫂不知

晚涼露沾滂沱

高堂置酒盡觴客客見半隸羽林籍鬪雞慣蹋三河春
呼鷹早返五坊夕主人中酒興倍豪騎馬肯受乘船嘲
連朝雨霜殺百草黃雲不動青天高南人失色戒無狂
毛色蒙茸卷風走太息虎頭燕領人如意指揮好身手
男兒意氣總如雲鄴下黃鬚卻好文猿臂彎弓看沒羽
相逢不是故將軍

次韻盧運使丁丑紅橋修禊

水複山平穩盪舟畫橋一曲小延邇烟花昨夢傳三日
賓從如雲動五州圖續西園看雅集吟先東閣待華酬

憑君遍罰羊何酒烏帽逍遙最上頭

小敘幽情例丑年莫言盧後異王前雲浮蓋影朱闌外
風送鈴音白塔巔楊柳調鶯討春騎菰蒲放鴨渡江船
劇憐水調新歌起又擲真珠串串圓

魚鳥頻邀 睿賞通清華從此冠淮東藥苗報暖凝春
曉藕葉承涼散水風鱗酒細生波灩灩香衣斜卷霧濛
濛謝公肯負東山興拉雜鳴絃酒正中

歐九文章照眼明幾人高會續中聲節仍捧劍前裘舊
地比稽山洛水清江外漁樵青草徑風前觴咏綠楊城
二分遲我纖纖月想象歸衙及漏更

邛上不得晤東有卻寄

京口鱗魚三尺肥揚州芍藥金帶圍破舡西來苦晚晚
笑殺江東輕薄兒較量一事更成錯與君見面參商稀
當年定交在杵臼舉場廣闊堂徂基高樓盡角警深夜
五體蜷蜷成雞栖塞帷相逢鎮狂叫豪快那顧時賢咄
三條燭跋漏空盡後會親訂西牕期天雞遍問縱無用
策勳畢竟從毛錐君今翩翩作書記才名陳阮肩相齊
頃聞閹人拒投刺頓使燕寢如鎖闥袍痕縱憐青草似
幕下頗覺紅蓮非我畱十日復誰爲淋雨徒遣子桑悲
勸君承明伴東馬否卽賣卜來京畿

汪對琴招同泛舟紅橋歷平山堂觀音山諸勝
振衣諾嘉招一見藹如故折簡明盍簪理策果前步南
榮夏及迎北郭春始除絲羽變故音繁英脫高樹澤柳
有柔陰潛蘋在芳素因之襟履投重以石泉慕鼓枻流
惠風采香亂旁渡妍機隨折旋遺境精迴顧譁驚謝瑤
佩蘊釀結蘭霧水木蒼陰陰萬綠引先路

平橋駕曲水肆映晴霞紅題柱及今永伐石非昔同測
影眩丹碧呈材交玲瓏芳園或前距幽壑多後通斜遶
沽酒家時遇攀枝童鴉藏驗柳密雉雉知草豐文鯨躍
春波白鳥翔千風野色離落外 御氣池臺中與子試

觴酌念余爲梗蓬已負永和日被濯借沖融

維揚表佳麗有堂拂塵服品泉清道心玩雲養春目偶
參荷芰香側見鳬鷺浴岩岩金陵山鑿鑿崑岡軸晴翠
積遂浮暮紫紛可掬豁開了無障虛徐漸有觸永懷文
章守彌荷 豫遊福大書褒古賢峻宇脊遺躅俯瞰墟
烟繁曠覽土風熟離離花竹間穆如汎巖谷

蜀岡高復高百仞架重棧團團引羊腸搜搜聳童卯具
體雖已微探奇亦何間萬松落乳毛半嶺颯風霞孤館
鳴山援危巢下水鶴門有苾芻參徑少樵蘇見 雕輦
昔來巡銅鋪此永奠賁綠嘉樹枝流眄芳華句調倚非

獨絃鬲行洵無算白歸曾未歸乘燭語斯賤

召伯埭曉發

曉霧白絲絲孤舟一逕牽魚腥春草渡雞鳴蚤潮天荒
埭宗臣逝高臺烈士傳蒼茫下殘月猶道夜珠圓

露筋祠

雨儀分陰陽正氣果嶽瀆蘭橈指髡社廟貌起齋遯碧
瓦雨自飄明璫夜猶燭寧從草間死不入帳中宿試捫
海岳碑如見女貞木此間蒲葦叢鷓母素流毒其酷可
霧筋其誣喻指鹿遂令鹿筋梁附會冠祠屋或云五代
年行營駐牙纛主者爲路金沿譌逮流俗丹棱去已遙

長編問誰讀或云蕭荷花青藤實著錄考古疑競傳徵
今祀非顯我來解髻行野風散炎燭霏霏芙蓉香振振
鷺鷥浴徘徊見翠袖日暮倚脩竹暝坐竟無徒掠檐一
蝙蝠

寶應對月

隄勢真如綫茫茫八寶田水依天到岸人與月同船掠
座魚鴈沒畦盤臂滿鮮重陂三十六風露獨淒然

惠濟祠

雲牕蔭翠蓋水殿揚翠旗旁挾風伯廟中設天后儀河
淮此交會燕尾沙分歧利病係漕帥隄使尤可知強弱

辨水勢清濁區物宜懷柔一以頌精爽歆川祇側聞秦
山神注籍及嬖彌星裾復霞帔使我滋益疑元君或元
女好巫傳有之至今齊魯境陟降勞雲輜一時競風尚
五頂開京師至如天后蹟靈貺九昭垂使錄載封號海
航同祝尸不曠亦不冒如官各有司安瀾久相慶祀典
今方釐王言表惠濟展也旼愚癡

渡河

長河如帶引迢迢力鎖淮流靖不驕槎客慣浮星漢上
瀆靈隱向海門朝天移粟米東南富地變滄桑世代遙
喜見榮光成五老成旗風響轉蕭蕭

中河

東南數財賦漕粟歸神京汎舟出海運跋浪虞鯨一
渠闢永濟改道慶再生渡河歷徐豫自元沿有明差免
魚腹葬猶恐虎鬚攫國家重府事天地昭平成淮黃
所交匯氣勢奔厯轟太府糜刀錢司空竭經營此河旣
疏鑿面面雲帆輕截流僅七里釀酒歌千丁不驚竹箭
駛不引笙篴鳴都尉旣便利估客還逢迎公私輸百貨
保障環百城有懷禹德遠方知宸算精笑彼瓠子唱
勒吾馬當銘

夜抵韓莊望微子湖

弭節依前牖空濛夜向分一湖全化月數艇忽衝雲鷺
影窺燈避龍吟帶笛聞無繆坐懷古玉馬逝紛紛

上牖

金隄如絲縈撇漩白龍厲角來蜿蜒鮫鱓魚蜃爭迫煎
一氣勢欲無桑田冰夷訝灰雙淚漣溢作飛瀑河倒懸
風盲雨怪雷公顛太一俯效精衛填山骨戍削神迴鞭
萬牛夜壓邱山巔河隄使者齎蹶然牖卒飽給司農錢
截流白板掀連連駛馬脫羣餘怒宜輕如水鳧嗟我船
船輕船重難與牽篙眼入石峰窠編失勢忽作鷺毛旋
朱郊之鷁鷺飛翩石靈水怪交老拳當道不許舟子前

盤車盤盤盤兩邊牂柯組索機軸纏進寸退尺驕不悛
吹唇狒狒沈枯涎腰支環環兼伏跼鼓聲作氣疇息肩
與牖鬪者惟孤舷危機一觸真九淵使我老瘦青兩顙
出險受賀毋彘彘前路有若登重天

下牖

上牖如尋樞下牖如懸霑又如金僕鐸大羽乍離殼梢
工睨陡門分寸乞神佑觸石防禍機百夫挽其後無敢
犯中鋒依違傍沙籀稍稍及盤渦尚作兩蛇鬪失手一
崩奔瞥眼詫淩驟船尾聳鶴尻船頭俯鵬喙一擲輕千
鈞惟聞風颼颼伯昏善垂趾蹉跌更誰救何來上水船

羨我決新溜豈知快意時悚息不容嗽入海逝茫茫
吏免嘲詬

四女祠

貝州城畔權玉貌照滄波生女嗟如此迎神語奈何雙
雙停翠節一一應鸞歌不嫁芳年晚千秋教孝多

蔡邕泊

孤戍莽蕭蕭孤槎閑寂寥卸帆明月渡吹笛海門潮鶴
影盤雲下漁歌隔浦招前邨憑指點疎火綠楊橋

西苑直廬立秋

苑路無塵夾鳳樓冰壺環擁坐生秋期門晝永聞鳴鶻

別殿風高見脫鞬宮樹暗迎山氣爽河槎遙泛斗光浮

周南竊哂臣留滯陪

輦無因紀勝遊

時駕將幸木蘭

李遂堂觀濤圖

日落高鳥還廣津浩無極裴回感路歧林葉淒以積長
天秋氣深宵眇卷寒碧巨浪殷霆雷高漲滅蘆荻伊人
五湖長漁釣抗遐跡冥冥臥江關約約弄潮汐何必師
枚叟觀濤趣同適永懷知仁樂獨寤風雨夕汨沒海波
寒悄悄付琴德

陶然亭題秋郊送別圖送香圃南歸

玉露漙漙感授衣登高送遠倍依依風盤鵲影千砧緊

霜簾鱗香萬木稀潦倒將停盃酒會綢繆莫遣尺書違
謝家團扇相思字幾點雲山黯夕暉

同人集陶然亭得集字

徇祿淹五旬往往夢樵汲孤生感萍汎求友幸雲集嘉
茲煩暑燭申以下車揖命侶無倦尋選勝有遐給地迴
南郭徂氣爽西山入疎林吐清磬虛亭覆圓笠巡檐渚
鳥高俯檻夕蟬急琴酒結重筵碑版采荒隰弔古久失
徵登高漸成習惟將賞雲水儼焉對鄉邑待賡小山句
時散道流笈會合誠大難不醉悔誰及

駕幸南苑大閱因賜右部哈薩克使臣宴恭紀

少海波騰接上蘭太平樞暇親去登壇珠旗曉拂星辰
轉鐵騎秋迎草木寒地湧仙源朝萬壑天迴王氣入三
盤車攻已邁周宵雅漫作昆明教戰看

闕武堂連紫極高夏官祇命肅秋毫沈霜畫角朝餐遍
切漢華旌畫戰挑蛇鳥成圖森合隊魚鷹候宴靜分曹
殷勤爲語西征將葛藟旃門期算操

八屯七校效追陪山霧初消御宿開緹帳平頭懸日
月雕弓落手應風雷偶緣賓禮成軍禮早練邊材識將
材喜是三時及農隙煦鴈臺擁六龍來

幾輩降王走傳車和門列隄鎮無譁光銷兵甲成天象

勢引金湯識

帝家赤汗駒爭隨苜蓿白翎雀好付

琵琶

三朝海戶昇平景詐馬高筵禮數加

韋約軒

謙恒

翠螺讀書圖

小謝吟身在青山復有君書臺沿江色漁艇泊秋雲石
氣涵牕潤松聲洶座紛前遊吾已負夢遶翠氤氲

載酒誰相問紛紛弟子行幽香采蘅杜小部卻絲黃郛
樹浮寥廓吳潮接混茫龍門敷講席姚薛好升堂

一直承明地居鄰尺五天烟沈白紵曲月冷運租船薪
木防人毀琴壺讓爾偏西江數上牛渚長共酒樓傳

直廬冬夜

螺炭溫磨麝柏濃絲綸閣鎖暮扉重會邀紅票傳官醢
纔近黃昏起禁鐘冰倚玉樓風浩浩天垂珠樹月溶溶
青綾臥擁前塵杳歲晚滄江憶五茸

寄題湖州昌黎書院

侍郎明銳出天授先後兩度居扶南陽山一貶戶戶祝
爭以公姓名童男中年慷慨問隴吏書囊藥裹隨行擔
蟹魚如車螯如屋異族吁怪喉問探要知老天有深意
欲變荒徼成鄒邾到官移牒置鄉校海陽趙尉經可談
鹿鳴鄉飲肇文物如浦珠采騰蠙蚶蚶爲民請命異淫祀
大潮神廟巫歌酣庶幾蠶穀富邨落詎獨蛟鱷馴谿潭

當公抗疏論佛骨龍鱗批後停朝參帝行六旬下昌樂
搔首望關心憂悵區區忠愛溢言表表謝字細紫春蠶
髮宜齒落日垂暮紀封鏤牒才何慙腐儒譏彈得憑藉
文園遺草情要姘豈知詞流例夸誕直道三黜公久甘
卽如大顛共酬答彌勒那便嗤同龕公之治潮僅半載
元精耿耿巾包函忠祐額洞自炎宋交薦火荔羞金柑
他時下馬肅瞻拜周情孔思祕狂慙長公一語我徵信
水在大地長泓涵反正撥衰具元本生晚恨不扶舉籃
潮陽凝望八千里北斗挹地芒森錢

沈丹厓 海 湖莊漁隱圖

春水渙方至浩吟隨夜漁微風起質末津路去何如靜
境離言說游心寄太虛綠蓑親檢校沙戶好同居
長谷傳吳地清華世所稀一灣雲木秀幾頃稻田肥問
渡霏紅雨當門靄翠微與君言息壤準乞鷺蓑衣